



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

González Téllez, Emanuel

Francofurti Ad Moenum, 1690

Caput XIV. Idem (a) Henrico & Vitali Canonic. Benevent.

[urn:nbn:de:hbz:466:1-74533](#)

Regno abdicavit Urbanus V. & Henricum Comitem spuriū ejus fratrem natalibus restitutum Regno imposuit. Rod. Sancius hist. Hisp. p. 4. cap. 17. Frossard. volum. 3. cap. 230. quippe hoc casu exploratum est, Pontificem ex vi suā potestatis de temporalibus disponere posse, ut in praesenti docuit Innocentius III. & in cap. novit. de judicis, ubi probavi. Tandem alius casus contingit, quando Pontifex legitimat filios Princis supremi, quo casu legitimationem ad temporalia etiam prodesse, constat ex textu hoc, in vers. Insuper, & docent Abbas hic, num. 11. Anchazarus num. 2. Praepositus num. 15. Garcia de nobilit. glos. 21. num. 44. Cervantes in d.l. 12. num. 101. Haec tamen legitimatio ad Regni successionem prodesset non debet, propter judicium, quod proxinioribus infectur, argumento capit. grand. ibi: *Ipsius legitimato filio.* Illustrant variis exemplis aductis Barb. de potest. Episcop. p. 1. tit. 2. c. 2. n. 102. Larrea d. decr. 8. num. 20. quod in specie hujus textus contigisse refert Cujac. hic: quia filii Regis Francie a Pontifice legitimati patri Philippo Augusto in Regno non successerunt, sed Ludovicus VIII. Sancti Ludovici pater, ut plenius narrat Paulus Amilius in vita Philippi Augusti. Hucusque tamen tradita non procedunt in legitimatione Principis secularis, hic enim nec directe, nec indirecte legitimare potest sibi subditos quoad spiritualia, ut post alias docent Sanchez lib. 8. de marit. disput. 7. num. 11. Petrus Greg. lib. 45. symag. cap. 7. Suarez de censur. disput. 50. sect. 5. num. 11. licet cum aliis dissentiat Peregrinus de fidicom. art. 23 num. 36. Et ita legitimatum per Principem secularem, non admitti ad emphyteusim ecclesiasticam, resolvunt Gamma decr. 72. n. 6. Valascus consult. 34. n. 8. Caldas de norminatione, q. 21. num. 49. Molina d. diff. 173. n. 26.

Nec obstat dubitandi ratio supradicta; nam cum Pontifex dispensat in radice matrimonii, non operatur ex fictione circa factum; tantum enim irritat legem positivam, ex qua impedimentum dirimus proveniebat; & ita restituit omnes iuris effectus perinde ac si talis lex non praecessisset: Nec obstat augmentum ipsius difficultatis, nam ut supra diximus, legitimatio non admittitur in præjudicium illius, cui jam ius quod situm est, ut probat Larrea d. decr. 8. num. 45. in præjudicium vero eorum, qui tantum spem habent, ritè admittitur, ex justis causis, etiam in præjudicium tertii possessoris, quod Princeps tam secularis, quam ecclesiasticus filios legitimare potest, ut supra probavi. Nec obstat, ex hac legitimatione evenire, ut quis sit legitimus quoad spiritualia, non vero quoad temporalia, & econtra: nam insolens non est, quem ad certos actus legitimum reputari, non vero quoad alios, ut in cap. 1. de filio presb. cap. 1. & 2. cod. tu. in 6. & id quodidiano exemplo legitimationis, ut filii naturales succedere possint ab intestato, aut ex testamento, in ea portione, quam pater voluerit, probat Gomez in l. 9. Tauri, num. 70. quia legitimatio quoad effectus qui iuris sunt, dividua est. Nec obstat ultimum augmentum, nam licet Pontifex directe non possit legitimare filios quoad temporalia, tamen dispensando in radice matrimonii, necessario quoad omnia eos legitimos reddit, & extra cum casum indirecte nonnumquam eos legitimare valet quoad temporalia, etiam ut in casibus supra relatis. Plorunque enim qua directe fieri prohibentur, indirecte, & per consequens permittuntur, capite ex litteris, de jure patronat. capite penult. de in integr. restitut. l. quotiens, C. de judiciis, l. 1. ff. de auctorit. praestand.

CAPUT XIV.

Idem (a) Henrico & Vitali Canonic. Benevent.

EX tenore litterarum vestrarum nobis innotuisse noseatis, quod cum G. (b) vidua hæreditatem Roberti quandam mariti sui à Landulfo de Granino, & nepotibus suis cum fructibus inde perceptis in praesentia vestra, qui ex delegatione nostra de causa cognoscetatis, eadem sibi, & pupillo suo filio testitui postularet, pars adversa petitionem ejus nitebatur excludere pro eo, quod R. maritum ipsius viduae de adulterio genitum assertebat, proponens, quod dicti R. pater vivente uxore legitimā quandom aliam Mauriciam nomine superduxit, ex qua prefatum R. maritum ipsius viduae generavit. Econtra vero pars viduae respondebat, quod cum prefata M. nesciens, quod dicti R. pater aliam haberet uxorem, cum eo in Ecclesiæ facie contraxisset, filius, quem ex ea suscepit, legitimus debebat haberi, cum non debeat illegitimi reputari, qui de adultera conscientia non nascuntur. Cumque diutius super hoc fulisset in nostra praesentia litigatum, & illorum prudentum sententia, quorum consilium requisistis, in hoc invicem discordarent, duxistis Sed. Ap. consulendam. Nos igitur intellectis his, & aliis, quæ per vestras nobis litteras intimasti, habito cum fratribus nostris diligenti tractatu, intelligentes quod pater predicti R. in facie (c) Ecclesiæ s̄pedictam M. ignaram penitus, quod ipse aliam sibi matrimonialiter copulasset, duxerit in uxorem, & dum ipsa conjux ipsius legitima putaretur, dictum R. suscepserat ex eadem, in favorem potius prolis declinamus, memoratum R. quod hoc legitimum reputetis. Ideoque discretioni vestrae per A. f. m. quat. vos cum legitimum reputetis, in ceteris juxta tenorem litterarum vestrarum ratione prævia processuri.

NOTÆ.

Tit. XVII. Qui filii sint legitimi.

251

NOTÆ.

(a) **Benevent.**] Ita etiam legitur in tertia collectione, sub hoc titul. cap. 3. De Benevent, dicēt egi incap. 28. & 42. de refibus.

(b) **Vidua.**] Unde poterat ut miserabilis persona coram judice ecclesiastico directe de hereditate agere, juxta tradita in c. extenore, de foro compre. nisi

dicamus, tunc Beneventum spectare ad patrimonium Ecclesiae.

(c) **R. in facie Ecclesiae sepedictam M. ignoraram.**] Unde matrimonium putativum intercessit cum debitis conditionibus, ut filii legitimi crederentur, juxta tradita supra in cap. 2. ubi Commentarium hujus textus dedit.

C A P U T U L T.

Idem (a) *Episcopo Tiberiadensi.*

GAUDEMUS, &c. Et infra: Ceterum prolem de illorum conjunctionibus natam, qui secundo, tertio, vel ulteriori gradu in infidelitate vixerint, quæ secundum opinionem illorum matrimoniali contrahuntur affectu, post fidem receptam, utilitate publicâ suadente legitimam volumus reputari.

(a) **Tiberiad.**] Ita etiam legitur in tertia collectione, sub hoc tit. cap. final. sed restituenda est inscriptio, necnon littera hujus textus ex cap. gaudemus, de divorcio, ubi extat alia pars hujus textus.

sistebat tantum tanquam contractus, & post baptismum sustinetur ut sacramentum, juxta tradita in cap. de infidelibus, de consanguin. & affin. cap. debitum, de bigamis; adhucque retinetur, et si in gradu prohibito à jure Canonico celebratum sit, d. cap. de infidelibus. Unde cum post baptismum ratum, & legitimum sit matrimonium, filii antea suscepiti efficiuntur legitimi. Contrarium autem procederet si in ipsa infidelitate permanerent parentes; nam cum inter infideles non detur matrimonium ut sacramentum, non poterant per illud filii antea suscepiti legitimari: illis tamen baptizatis, fidei favore receptum est, ut eti in gradibus prohibitis reperiantur conjuncti, matrimonium retineatur, filique efficiantur legitimi; unde etiam Coelestinus III. in cap. I. de convers. infid. quem ex secunda collectione transcripsi, respondit, legitimari per subsequens matrimonium filios suscepitos ex Gentili, & transeunte ab infidelitate, relicta conjugi infidei, si mortua ea, ad fidem reversa celebraverit matrimonium, sicut enim eo casu filii legitimi, non attentis juris regulis, juxta quas infidelis cum haberet catholicam uxorem, non potuit aliam ducere, nec ex alia muliere filium procreare naturalem: sicut tamen proles legitima favore fidei, ut ita ad fidem Catholicam amplectendam infideles allicerentur. Abulensis supra, q. 170.



TITULUS XVIII.

Qui matrimonium accusare possunt, vel in eo testificari.

C A P U T I.

Alex. III. (a) *Parmensi Episcopo.*

PErlatum nobis est ex parte tua, quod cum pater cuiusdam puellæ eam cuidam Parmensi nuptiæ (b) tradidisset, maritus post aliquot (c) annos, quibus cum uxore permanerit, propter homicidium, quod comisit, de civitate timore (d) mortis exivit: nunc autem dicitur,